



## საქართველოს გაერთიანებული სახელმწიფოს მინისტრის

### ბრძანება N 2-436

13/04/2021

ქ. თბილისი

**„შპს „აზერინშატსერვისი-ს წარმომადგენლობა საქართველოში“-ზე ნინოწმინდის რაიონის სოფ. ყულაღისის მიმდებარედ ასფალტის წარმოებაზე გარემოზე ზემოქმედების ნებართვის გაცემის შესახებ“ საქართველოს გარემოს დაცვისა და ბუნებრივი რესურსების მინისტრის 2009 წლის 22 სექტემბრის №ი-497 ბრძანების ძალადაკარგულად გამოცხადების შესახებ**

2021 წლის 22 მარტს სამინისტროს განცხადებით მომართა შპს „აზერინშატსერვისი“-ს საქართველოს წარმომადგენლობის დირექტორმა და ითხოვა სამინისტროს მიერ 2009 წლის №84 ეკოლოგიური ექსპერტიზის დასკვნის საფუძველზე გაცემული გარემოზე ზემოქმედების ნებართვის გაუქმება.

2009 წელს საქართველოს გარემოს დაცვისა და ბუნებრივი რესურსების სამინისტროს მიერ შპს „აზერინშატსერვისი“-ს საქართველოს წარმომადგენლობის ასფალტის წარმოების ნებართვის შესახებ (ნინოწმინდის მუნიციპალიტეტი, სოფ. ყულაღისის მიმდებარე ტერიტორია) გაიცა №84 ეკოლოგიური ექსპერტიზის დასკვნა (15.09.2009) და გარემოზე ზემოქმედების ნებართვა.

განცხადებაში აღნიშნულია, რომ კომპანია 2011 წლიდან აღარ ეწევა აღნიშნულ საქმიანობას. შესაბამისად, საქმიანობის განმახორციელებელი ითხოვს ნებართვის გაუქმებას.

ყოველივე ზემოაღნიშნულის გათვალისწინებით, შპს „აზერინშატსერვისი“-ს საქართველოს წარმომადგენლობის განცხადებისა და „ზოგადი ადმინისტრაციული კოდექსის“ 61-ე მუხლის საფუძველზე,

#### **ვ ბ რ ძ ა ნ ე ბ:**

1. ძალადაკარგულად გამოცხადდეს „შპს „აზერინშატსერვისი-ს წარმომადგენლობა საქართველოში“-ზე ნინოწმინდის რაიონის სოფ. ყულაღისის მიმდებარედ ასფალტის წარმოებაზე გარემოზე ზემოქმედების ნებართვის გაცემის შესახებ“ საქართველოს გარემოს დაცვისა და ბუნებრივი რესურსების მინისტრის 2009 წლის 22 სექტემბრის №ი-497 ბრძანება;

2. ამ ბრძანების ასლი გაეგზავნოს შპს „აზერინშაატსერვისის“ საქართველოს წარმომადგენლობას;
3. ბრძანება ძალაში შევიდეს შპს „აზერინშაატსერვისის“ საქართველოს წარმომადგენლობის მიერ ამ ბრძანების გაცნობისთანავე;
4. ბრძანების გაცემიდან 5 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
5. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. №6), მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი